



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Permissio.

urn:nbn:de:hbz:466:1-30427

est suprâ immediatè.

3 OMNE peturium promissoriū de presenti, dū promittitur aliquod bonū vel malū, sine animo seruandi, aut animo obligandi se, aut animo non iurandi, semper est mortale, quia deest præsens veritas. Si quis autem iurauit animo vero facere aliquod malum, quod est mortale, vt occidere hominem, incurrit peturium: quia iuramentum applicatur ad materiam, quam oportet falsificare, & sic est mortale peccatum etiam quia firmatur voluntas ad aliquod mortale. Si verò tale malū est veniale, tunc iurans animo faciendi peccat tantū venialiter: vt si iuret non mutare sortu extra casum extroræ necessitatis. De futuro autem tempore iuramentū promissorium si non adimpletur, incurritur peturium, quando est obligatiuū, & est mortale, nisi quando materia non est capax vinculi obligatorij: vt quando est de malo, siue veniali, siue mortali, vel de omissione alicuius supererogationis boni, vel de actu indifferenti ad bonū, vel malum: vt si iurauit ire ad campū, vel leuare festucam, vbi nullum reperitur bonum, vile, vel honestum: in his non tenetur quis seruare iuramentum, sed siue mortali potest contrauenire, quia non est materia obligatoria, & ita non est simpliciter peturus, sicut si esset materia obligatoria.

4 ITEM ex aliquo euentu non tenetur seruare, vt si iurauit Rex facere gratiam quamcūque, & petatur aliquod malum, vt fecit Heroditas, non tenetur seruare, vel si euentus esset impeditiuus maioris boni: vt si iurauit contrahere cum Berta, & postmodū volo religionem intrare, non teneor seruare iuramentum. Item ex modo iurandi: vt si quis iuret non sedere in prima sede, vel huiusmodi, ad honorandum alterum, & tamen precibus coactus sedet, non est peturus: quia intelligendum est, quantum ad ipsum nolebat sedere: & in multis similibus. Sic Petrus dixit, non lauabis mihi pedes in æternum. Item quando quis iurauit vi, vel metu cadente in constantem vi-

rum. Tutius tamen est in his iuramentis factis metu à superiori relaxationē habere. Item ex relaxatione facta, vel ab eo, cui facta est promissio, vel à superiore, non tenetur sub peccato mortali seruare, & contraueniendo non fit peturus.

5 PERIVRIVM comminatorium de presenti, vt cum quis iurat animo mendaci, semper est mortale in quacunque materia fiat: quia fit Deo iniuria, & deest præsens veritas, vt suprâ dictum est. Si fiat animo veraci super re, quæ de se mortalis sit: vt quia iurauit diffamare, vel furari, &c., mortale est, & non tenetur implere, imò adimplendo mortaliter peccaret. Si verò iurauit punire, & hoc secundum iusticiam, & ex punitione maius bonum oritur, debet seruari: secus si non oritur, sed maius malum, vel quando is, cui comminatus est, veniā petit, & corrigitur: in his autem discretione opus est, & recti iudicij consideratione, quid magis expediat. An peccet mortaliter exigens iuramentum ab aliquo, quem scit falsè iuraturum, suprâ, iuramentum, §. 33. & alia, quæ ad hanc materiam spectant, vide ibi iuramentum, pet totū. An sit peccatū mortale sine necessitate iurare, suprâ, ver. iuramentum. §. 7.

PERMISSIO.

PERMISSIO peccatorum sine rationabili causa peccatum est. Rationabilis autem causa est, vel vitatio maioris mali, sicut lex lupanaria permittit, vel inductio maioris boni: vnde prælati, vel patres permittentes aliqua mala propter tenendam pacem, & huiusmodi, non peccant. Si autem facerent propter aliquod commodū proprium, vt quia lucrantur aliquod munus, vel fauorem, & huiusmodi, grauiter peccarent. Quando autem sit mortale, vel veniale, in casibus particularibus matura consideratione indiget. Vide Thom. 4. sentent. d. 33. qu. 2. 12. & secunda secundæ. q. 93. a. 3. & Panormita. in c. vt clericorum. de vi. & hon. cleri. ver. prælati, infra, Prælati. §. 2. & 5.